

釋

史

卷百四十八至百五十

釋史卷二十四

三代第十四

周禮之制

冠禮

儀禮士冠禮筮于席門主人玄冠朝服緇帶素鞶卽位于門東西面有司如主人服卽位于西方東而北上筮與席所卦者具饌于西塾布席于門中闌西闕外西面筮人執筴抽上韝兼執之進受命於主人宰自右少退贊命筮人許諾右還卽席坐西面卦者在左率筮書卦執以示主人主人受眡反之筮人還東面旅占率進告吉若不吉則筮遠日如初儀徹筮席宗人告事畢

右筮

主人戒賓賓禮辭許主人再拜賓答拜主人退賓拜送

戒賓曰某有子某將加布于其首願吾子之教之也賓對曰某

不敏恐不能共事以病吾子敢辭主人曰某猶願吾子之終教之也賓對曰吾子重有命某敢不從

石城

前期三日筮賓如求

日之儀乃宿賓賓如主人服出門左西面再拜主人東面答拜

乃宿賓賓許主人再拜賓答拜主人退賓拜送宿贊冠者一人

亦如之宿曰某將加布于某之首吾子將蒞之敢宿賓對曰某

敢不夙興

石城

厥明夕爲期于廟門之外主人立于門東兄弟

在其南少退西面北上有司皆如宿服立于西方東面北上擯

者請期宰告曰賀明行事告兄弟及有司告事畢擯者告期于

賓之家

石城

夙興設洗直于東榮南北以堂深水在洗東陳服

于房中西墉下東領北上爵弁服纁裳純衣緇帶韎韐皮弁服

素積緇帶素鞶玄端玄裳黃裳雜裳可也緇帶爵鞶緇布冠缺

項青組纓屬于缺緇纓廣終幅長六尺皮弁笄爵弁笄緇組紘纁邊同篋櫛實于篋蒲筵二在南側尊一甒醴在服北有篋實勺解角柶脯醢南上爵弁皮弁緇布冠各一匱執以待于西坫南南面東上賓升則東面屨夏用葛玄端黑屨青絢纁純純博寸素積白屨以魁紉之緇絢纁純純博寸爵弁纁屨黑絢纁純純博寸冬皮屨可也不屨纁屨



主人玄端爵韞立于阼階

下直東序西面兄弟畢袵玄立于洗東西面北上擯者玄端負東塾將冠者采衣紒在房中南面賓如主人服贊者玄端從之立于外門之外擯者告主人迎出門左西面再拜賓答拜主人揖贊者與賓揖先人每曲揖至于廟門揖入三揖至于階三讓主人升立于序端西面賓西序東面贊者盥于洗西升立于房

中西面南上主人之贊者筵于東序少北西面將冠者出房南面贊者奠纚笄櫛于筵南端賓揖將冠者將冠者卽筵坐贊者坐櫛設纚賓降主人降賓辭主人對賓盥卒壹揖壹讓升主人升復初位賓筵前坐正纚與降西階一等執冠者升一等東面授賓賓右手執項左手執前進容乃祝坐如初乃冠興復位贊者率冠者興賓揖之適房服玄端爵韠出房南面賓揖之卽筵坐櫛設笄賓盥正纚如初降二等受皮弁右執項左執前進祝加之如初復位贊者率紘興賓揖之適房服素積素韠容出房南面賓降三等受爵弁加之服纁裳韎韐其他如加皮弁之儀徹皮弁冠櫛筵人于房始加祝曰令月吉日始加元服棄爾幼志順爾成德壽考惟祺介爾景福再加曰吉月令辰乃申爾服

敬爾威儀淑慎爾德眉壽萬年永受胡福三加曰以歲之正以月之令咸加爾服兄弟具在以成厥德黃耆無疆受天之慶

筵于戶西南面贊者洗于房中側酌醴加栖覆之面葉賓揖

冠者就筵筵西南面賓受醴于戶東加栖面枋筵前北面冠者

筵西拜受觶賓東面答拜薦脯醢冠者卽筵坐左執觶右祭脯

醢以栖祭醴三典筵末坐啐醴捷栖興降筵坐奠觶拜執觶興

賓答拜醴辭曰甘醴惟厚嘉薦令芳拜受祭之以定爾祥承天

之休壽考不忘

右禮記

冠者奠觶于薦東降筵北面坐取脯降自

西階適東壁北面見于母母拜受子拜送母又拜冠者母不在

則使人受脯于西階下

右禮記

若不醴則醢用酒尊于房戶之間

兩甌有禁玄酒在西加勺南枋洗有篚在西南順始加醢用脯

醢賓降取爵于筐辭降如初卒洗升酌冠者拜受賓答拜如初
冠者升筵坐左執爵右祭脯醢祭酒興筵末坐啐酒降筵拜賓
答拜冠者奠爵于薦東立于筵西徹薦爵筵尊不徹加皮弁如
初儀再醢攝酒其他皆如初加爵弁如初儀三醢有乾肉折俎
嚌之其他如初北面取脯見于母若殺則特豚載合升離肺實
于鼎設扃鼎始醢如初再醢兩豆葵菹羸醢兩籩栗脯三醢攝
酒如再醢加俎嚌之皆如初嚌肺卒醢取籩脯以降如初醢辭
曰旨酒既清嘉薦亶時始加元服兄弟具來孝友時格永乃保
之再醢曰旨酒既清嘉薦伊脯乃申爾服禮儀有序祭此嘉爵
承天之祜三醢曰旨酒令芳籩豆有楚威加爾服有升折俎承
天之慶受福無疆

賓降直西序東面主人降復初位冠者立

于西階東南面賓字之冠者對字辭曰禮儀既備令月吉日昭告爾字爰字孔嘉髦士攸宜宜之于假永受休之曰伯某甫仲叔季唯其所當

右冠

賓出主人送于廟門外請醴賓賓禮辭許

賓就次乃醴賓以壹獻之禮主人酬賓束帛儷皮贊者皆與贊冠者爲介賓出主人送于外門外再拜歸賓俎

右冠

冠者見於

兄弟兄弟再拜冠者答拜見贊者西面拜亦如之人見姑姊如見母乃易服服玄冠玄端爵韠奠摯見於君遂以摯見於鄉大

夫鄉先生

右見兄弟始鄉先生

若孤子則父兄戒宿冠之日主人紛而

迎賓拜揖讓立于序端皆如冠主禮於阼凡拜北面于阼階上賓亦北面于西階上答拜若殺則舉鼎陳于門外直東塾北面

右冠

若庶子則冠于房外南面遂醮焉

右庶子冠

冠義始冠緇布之冠也太古冠布齊則緇之其綫也孔子

曰吾未之聞也冠而敝之可也適子冠於阼以著代也醮於客位加有成也三加彌尊諭其志也冠而字之敬其名也委貌周道也章甫殷道也冊追夏后氏之道也周弁殷舁夏收二王共皮弁素積無大夫冠禮而有其昏禮古者五十而后爵何大夫冠禮之有公侯之有冠禮也夏之未造也天子之元子猶士也天下無生而貴者也繼世以立諸侯象賢也以官爵人德之殺也死而諡今也古者生無爵死無諡○郊特牲同禮記男女異長男子二十冠而字女子許嫁笄而字○曲禮幼名冠字五十以伯仲死諡周道也○檀弓始冠緇布冠自諸侯下達冠而敝之可也玄冠朱組纓天子之冠也緇布冠績綌諸侯之冠也玄冠丹組纓諸侯之齊冠也玄冠綦組纓士之冠也緇布冠玄武子姓之冠也緇布冠素紕既祥之冠也垂綌五寸博游之士也玄冠緇武不齒之服也居冠屬武自天子下達有事然後綌○王藻大自冠緇布之冠皆不褻委武玄緇而后褻以喪冠者雖三年之喪可也既冠於次人哭踊三者三乃出大功之末可以冠子可以嫁子父小功之末可以冠子可以嫁子可以取婦已雖小功既卒哭可以冠取妻下殤之小功則不可○雜記

大戴禮記

公符自爲主迎賓揖升自阼立于席既醴降自阼其

餘自爲主者其降也自西階以異其餘皆公同也公玄端以皮弁皆韠朝服素韠公冠加四立冕饗之以三獻之禮無介無樂皆玄端其醕幣朱錦采四馬其慶也天子儼焉太子與庶子其冠皆自爲主其饗與士同饗賓也皆同

○公符○注云四當爲三玄當爲袞字之誤

禮記

冠義

凡人之所以爲人者禮義也禮義之始在於正容體齊
顏色順辭令容體正顏色齊辭令順而後禮義備以正君臣親
父子長幼君臣正父子親長幼而後禮義立故冠而后服
備服備而后容體正顏色齊辭令順故曰冠者禮之始也是故
古者聖王重冠古者冠禮筮日筮賓所以敬冠事敬冠事所以
重禮重禮所以爲國本也故冠於阼以著代也醮於客位三加
彌尊加有成也已冠而字之成人之道也見於母母拜之見於
兄弟兄弟拜之成人而與爲禮也立冠立端奠摯於君遂以摯
見於鄉大夫鄉先生以成人見也成人之者將責成人禮焉也
責成人禮焉者將責爲人子爲人弟爲人臣爲人少者之禮行
焉將責四者之行於人其禮可不重與故孝弟忠順之行立而

后可以爲人，可以爲人而后可以治人也。故聖王重禮，故曰冠者，禮之始也。嘉事之重者，也是故古者重冠、重冠，故行之於廟。行之於廟者，所以尊重事，尊重事而不敢擅重事，不敢擅重事，所以自卑而尊先祖也。

昏禮

儀禮昏禮：下達納采，用鴈。主人筵于戶西，西上。右几，使者立端。至，摯者出請事，入告主人。如賓服，迎于門外，再拜。賓不答拜，揖入。至于廟門，揖入，三揖。至于階，三讓。主人以賓升，西面。賓升，西階當阿，東面，致命。主人阼階上北面，再拜授于楹間，南面。賓降，出。主人降授老鴈。摯者出請賓執鴈，請問名。主人許賓入，授如

初禮

士昏禮凡行事必用昏昕受諸廟廟辭無不腆無辱摯不用死

昏辭曰吾子有惠

既室其也某有先人之禮使某也請納采對曰某之子蠢愚又弗能教吾子命之某不

故辭致命曰敢納承聞名曰某既受命將加諸卜敢請女爲誰氏對曰吾子有命且以備數而擇之某不敢辭 問名主人受鴈還西面對賓受命乃降 宗子無父母命之親皆沒已謂命之支子則稱其宗弟則稱其兄 禮記男女非有行媒不相知名非受幣不交不親故日月以告君齊戒以告鬼神爲酒食以名鄉黨僚友以厚其別也 取妻不取同姓故買妾不知其姓則卜之 納女於天子曰備百姓於國君曰備酒漿於大夫曰備埽灑○曲禮

擯者出請賓告事畢入告出

請醴賓賓禮辭許主人徹几改筵東上側尊甌醴于房中主人

迎賓于廟門外揖讓如初升主人北面再拜賓西階上北面答

拜主人拂几授校拜送賓以几辟北面設于坐左之西階上答

拜贊者酌醴加角柶面葉出于房主人受醴面枋筵前西北面

賓拜受醴復位主人阼階上拜送贊者薦脯醢賓卽筵坐左執

觶祭脯醢以柶祭醴三西階上北面坐啐醴建柶興坐奠觶遂

拜主人答拜賓卽筵奠于薦左降筵北面坐取脯主人辭賓降

授人脯出主人送于門外再拜 醢祭醴始扱一祭又扱再祭賓右取脯左奉之乃歸執以反命 凡使者歸反命曰某既得將

事矣敢以禮告主人曰聞命矣禮曰子為事故至于某之室某有先人之禮請禮從者對曰某既得將事矣敢辭先人之禮敢固以請某辭不得命敢不從也

納吉

用鴈如納采禮

納吉曰吾子有脫命某加諸卜占曰吉使某也敢告對曰某之子不教唯恐弗堪子有吉我與在某不敢辭

納徵

玄纁束帛儷皮如納吉禮

皮帛必可制納徵執皮攝之內文兼執足左首隨人西上參分庭一在南賓致命釋外足見文主人受幣

士受皮者自束出于後自左受遂坐攝皮逆退適東壁

納徵曰吾子有嘉命脫室某也某有

先人之禮儷皮束帛使某也請納徵致命曰某敢納徵對曰吾子順先典脫某重禮某不敢辭敢不承命

禮記

納幣一束束五兩兩五尋女雖未許嫁年二十笄而禮之婦人執其禮燕則暴

雜記

請期用鴈主人辭賓許告期如納徵禮

請期曰吾子有賜命某既申受命矣惟是三族之不虞

使某也請吉日對曰某既前受命矣唯命是聽曰某命某聽命于吾子對曰某固唯命是聽使者曰某使某受命吾子不許某敢不告期曰某日對曰某敢不敬須

期

初昏陳三鼎于寢門外東方北面上其實特豚合升去蹄舉

肺脊二祭肺二魚十有四腊一肫髀不升皆飪設局鼈設洗于

阼階東南饌于房中醯醬二豆菹醢四豆兼巾之黍稷四敦皆

蓋大羹湑在爨尊于室中北牖下有禁玄酒在西綌冪加勺皆

南枋尊于房戶之東無立酒篚仕南實四爵合盞

匱膳必用鮮魚
用鮓必敬全

主人爵弁纁裳緇旒從者畢立端乘墨車從車二乘執燭前馬
婦車亦如之有褱至于門外主人筵于戶西西上右儿女次純
衣纁袡立于房中南面姆纁笄宵衣在其右女從者畢袵立纁
笄被纁黼在其後主人立端迎于門外西面再拜賓東面答拜
主人揖入賓執鴈從至于廟門揖入三揖至于階三讓主人升
西面賓升北面奠鴈再拜稽首降出婦從降自西階主人不降
送壻御婦車授綏姆辭不受婦乘以几姆加景乃驅御者代壻
乘其車先俟于門外

鴈父醢子命之辭曰往迎爾相承我宗事勗師以敬先妣之嗣
若則有常子曰諾唯恐弗堪不敢忘命賓至擯者請對曰君子

命某以茲初昏使某將請承命對曰某固敬具以須 父醢女而俟迎者母南面于房外女出
于母右父西面戒之必有正焉若衣若笄毋戒諸西階上不降 父送女命之曰戒之敬之夙
夜毋違命毋施衿結帨曰勉之敬之夙夜無違宮事庶母及門內施聲申之以父母之命命之
曰敬恭聽宗爾父母之言夙夜無愆視諸衿聲 婦乘以几從者二人坐持几相對

婦至主人揖婦以入及寢門揖入升自西階媵布席于奧夫
入于室卽席婦尊西南面媵御沃盥交贊者徹尊纂舉者盥出
除甯舉鼎入陳于阼階南西面北上七俎從設北面載執而俟
七者逆退復位于門東北面西上贊者設醬于席前菹醢在其
北俎入設于豆東魚次腊特于俎北贊設黍于醬東稷在其東
設湑于醬南設對醬于東菹醢在其南北上設黍于腊北其西
稷設湑于醬北御布對席贊啓會卻于敦南對敦于北贊告具
揖婦卽對筵皆坐皆祭祭薦黍稷肺贊爾黍授肺脊皆食以湑
醬皆祭舉食舉也三飯卒食贊洗爵酌醕主人主人拜受贊戶
內北面答拜醕婦亦如之皆祭贊以肝從皆振祭臍肝皆實于
菹豆率爵皆拜贊答拜受爵再醕如初無從三醕用盞亦如之

贊洗爵酌于戶外尊入戶西北面奠爵拜皆答拜坐祭卒爵拜

皆答拜興

婦入寢門贊者徹尊幕酌玄酒三屬于尊棄餘水于堂下階間加勺

主人出婦復位乃徹于

房中如設于室尊否主人說服于房媵受婦說服于室御受姆

授巾御衽于奧媵衽良席在東皆有枕北止主人入親說婦之

纓燭出媵餽主人之餘御餽婦餘贊酌外尊酌之媵侍于戶外

呼則聞

禮記

夙興婦沐浴纚笄宵衣以俟見質明贊見婦于舅

姑席于阼舅即席席于戶外南面姑即席婦執筭棗栗自門入

升自西階進拜奠于席舅坐撫之興答拜婦還又拜降階受筭

服脩升進北面拜奠于席姑坐舉以興拜授人

筭緇被纁裏加于橋舅答拜宰徹筭

禮記婦見舅姑兄弟姑姊妹皆立于堂下西面北上見已見諸父各就其寢○雜記婦人之摯椶榛脯脩棗栗○曲禮

贊醴婦席于戶牖

閒側尊無醴于房中婦疑立于席西贊者酌醴加枌面枋出房

席前北面婦東面拜受贊西階上北面拜送婦又拜薦脯醢婦
升席左執觶右祭脯醢以柶祭醴三降席東面坐啐醴建柶興
拜贊答拜婦又拜奠于薦東北面坐取脯降出授人于門外婦

饌于房

舅姑入于室婦盥饋特豚合升側載無魚腊無稷並南

上其他如取女禮婦贊成祭卒食一醕無從席于北墉下婦徹

設席前如初西上婦餽舅辭易醬婦餽姑之饌御贊祭豆黍肺

舉肺脊乃食卒姑醕之婦拜受姑拜送坐祭卒爵姑受奠之婦

徹于房中媵御餽姑醕之雖無媵媵先于是與始飯之錯饋

舅姑共饗婦以一獻之禮舅洗于南洗姑洗于北洗奠酬舅姑

先降自西階婦降自阼階歸婦俎于婦氏人

餽婦姑薦焉婦洗在北堂直室東隅篋在東北面

酢舅更爵自薦下敢辭洗舅降則辟于房不取拜洗凡婦人相饗無降庶婦則使人酌之婦不饋

舅饗送者以一獻之禮酬